


Llinguaxe

El **llinguaxe**^[1] ye cualesquier tipu de códigu semióticu estructuráu, pal qu'esiste un contestu d'usu y ciertos principios combinatorios formales. Esisten contestos tantu naturales como artificiales.

1. El **llinguaxe animal** básase nel usu de señales sonores, visuales y olfatives a mou de signos pa referise a un referente o un significáu distintu de tales señales. Dientro del llinguaxe animal tán los berros d'alarma, el llinguaxe de les abeyes, etc.
2. Los **llinguaxes formales** son construcciones artificiales humanes, que s'usen en matemática y otres disciplines formales, incluyendo llinguaxes de programación. Estes construcciones tienen cadarmes internes que comparten col llinguaxe humanu natural, polo que pueden ser en parte analizaes colos mesmos conceutos qu'ésti.
3. El **llinguaxe humanu** básase na capacidá de los seres humanos pa comunicase per mediu de signos. Principalmente facémoslo usando'l signu llingüísticu. Entá así, hai dellos tipos de llinguaxe. El llinguaxe humanu pue estudiase tocantes al so desenvolvimientu dende dos puntos de vista complementarios: la ontoxenia, qu'unvia al procesu d'adquisición del llinguaxe pol ser humanu, y la filoxenia.



El Cuneiforme ye ún de los primeros llinguaxes escritos que se conocen. Creada por los sumerios a finales del cuartu mileniu e.C., esta escritura surdió como un sistema de pictogrames.

Referencies

1. El *Diccionariu de l'Academia de la Llingua Asturiana* tien una definición pa llinguaxe (<http://www.academiadelalingua.com/diccionariu/index.php?pallabra=llinguaxe>).

Ver tamién

- Idioma o Llingua

Sacáu de «<https://ast.wikipedia.org/w/index.php?title=Llinguaxe&oldid=2884017>»

La última edición d'esta páxina foi el 6 abr 2020, a les 13:40.

El testu ta disponible baxo la Llicencia Creative Commons Reconocimientu/CompartirIgual 3.0; puen aplicase otres cláusules más. Llei les condiciones d'usu pa más detalles.